

Landesbibliothek Oldenburg

Digitalisierung von Drucken

**Bibliotheca Smithiana, Seu Catalogus Librorum D. Josephi
Smithii Angli Per Cognomina Authorum Dispositus**

Pasquali, Giovanni Battista

Venetiis, 1755

Petri De Abano.

urn:nbn:de:gbv:45:1-844

hominum illum tumultum hunc spectatissimum triumphum præcessisse crediderim; ut quot in illo turpitudinis notas extingueres, tot in te triumphales coronæ refalgerent. Convenientissimum præterea videbatur, ut cui merito omnia debeo, & imperio subsum, ipsi meum, siquid esset præ cæteris dicaretur ingenium: sperans denique id fore morte obita, ut ad posteros aliquando non inglorius commigrem & vivam; ubi si immortalitatem illam quam omnes expetunt, pauci vero assequuntur, vel ipse non assequar, gaudebo tamen tuo augusto paternoque nomine, cui hoc de militari opus inscripsi consecravique, me diuturnam lucem, & sempiternam quandam gloriam adepturum, qui fortasse sine te, qui multis me ad scribendum rationibus impulsi, in tenebris abjectus jacuissem. Sit itaque tuo tantum nomini dicatum; & quid de te mihi pollicear videas obsecro. Numquam enim hujusce libri exordio nomen ipsum legetur tuum, quum passim & ubique gentium sublimè magnificumque prædicetur, quin mihi splendoris & gratiæ plurimum sit allaturum. Putabunt enim singuli, ad quos liber iste pervenerit, non parva nec inutilia se percepturos, dum tam splendidum, tam præcellens, tam illustre ipsis primis apicibus nomen tuum intuebantur & legent. Suscipe igitur clementissime ac optime princeps Sigismunde Pandulphæ, gratissimis ulnis munusculum hoc exiguum, licet ab animo tam tibi deditissimo tuique amantissimo profectum, intentiusque leges, quum aspirare tibi inter plurima strepentium occupationum tuarum agmina licebit: invenies profecto plurima in hoc opere, quæ tibi sint aut voluptati maximæ legisse, aut ornamento vidisse, aut usui meminisse, quippe quæ præceptis & exemplis suis oblectare atque instruere bene institutum animum possunt. De cujus causis nihil attinet plura nunc disserere, quum quidem singulæ partes ejus destinatis aliquot voluminibus explicandæ sint, quæ ordine suo tunc demum prosequar, quum præfatus fuero pauca quædam de ipsius rei origine ab aliis pene omnibus omiſſa Scriptoribus; quam reor ad universæ etiam rei descriptionem ab aliis quoque pluribus intactam maxime profuturam.

P E T R I D E A B A N O

CONCILIATOR DIFFERENTIARUM PHILOSOPHORUM.

Mantua, per Thomam Septem-Castrensem & socios, MCCCCLXXII.

ante Tractatum de Venenis. [1]

Reverendissimo in Christo Patri & Domino Domino N. Divina Providentia Summo Pontifici. [2]

Petrus de Abano minimus Medicorum cum devotione præfens scriptum tam vestræ petitioni, quam pro debiti solutione afferre, juxta posse obedire propono: ut Sanctitati vestræ tum ad profectum corporis, tum ad seibilia coaugenda tractatum utilem quam brevem non minus de venenis

[1] Satis superque de Petro Apono, celeberrimo Mathematicum, reique Medicæ Professore, ornatissimus Vir & Comes Joannes Maria Mazzuchellus in suis Commentariis de Scriptoribus Italis disserit.

[2] Quamvis nomen Pontificis in epistola

non innotescat, facile tamen suspicari possumus, Librum de venenis, eorumque remediis Honorio IV. Petrum nuncupasse, cum alios eidem Pontifici, Mercklin, ac Mangeto præsertim testibus, sanitatem restituerit.